

Հակոբ Պարոնյան

Ազգային ջոջեր



eMatenadaran.

Հակոբ Պարոնյան Ազգային ջոջեր

http://www.litres.ru/pages/biblio_book/?art=24431294

Ազգային ջոջեր:

ISBN 9781772468052

Аннотация

XIX դարի 70–80-ականները, երբ Հակոբ Պարոնյանը ստեղծեց «Ազգային ջոջերը», համընկնում էին Օսմանյան կայսրության պատմության տխրահռչակ «գուլունի» դարաշրջանին: «Ազգային ջոջերն» այն ժամանակ ապրող նշանավոր հայերի կենսագրություններն էր ամփոփում: Պարոնյանի ստեղծած այս դիմապատկերները ամենից հաջողվածներից է: Որքան շատ են «հերոսի» թերությունները, այնքան երգիծանքը հաջողվում է: Օ. Խոճասարյանի կենսագրականում բացակայում է ծննդյան թիվը, որ սովորաբար բոլոր երեւելիների դիմապատկերներում ստուգապես կա: «Ազգային ջոջերում» ազգին մատուցած ծառայությունները կարեւորելու տեսակետից է ներկայացված Կ. Պոլսի պատրիարք Ներսես Վարժապետյանը (1837–1884):

Содержание

ՀԱՌԱՋԱԲԱՆ	4
ԽՈՐԵՆ ԳԱԼՖԱՅԱՆ	6
ՏԻԳՐԱՆ ՅՈՒՍՈՒՖՅԱՆ	20
Конец ознакомительного фрагмента.	26

Հակոբ Պարոնյան Ազգային ջոջեր

ՀԱՌԱՋԱԲԱՆ

Որչափ ալ բժիշկները վկայած ըլլան, թե ծիծաղն շատ օգտակար է մարսողության, Լիկուրգոս ծաղու աստվածներու արձաններ դնել տված ըլլա սեղանատուններու մեջ և վերջապէս Պոլուտարքոս կերակուրներու առաջին համեմն կոչած ըլլա գայն, մենք, այս հրատարակությունն ընելով, երբեք նպատակ ունեցած չենք ոչ փափուկ ստամոքսի տեղ ընթերցողներուն մարսողությանը ծառայել և ոչ ալ քիչ կերակուր ուտողներուն ախորժակը բանալ, եթե երբեք գործս պիտի հաջողի քանի մը ժպիտ քաղել յուր ընթերցողներեն:

Մենք այս հրատարակությամբ աշխատած ենք մեր ազգին մեջ գտնված երևելի անձերուն կենսագրություններն ընելով՝ անոնց թերություններն ցույց տալ այն անաչառությամբ, որ կենսագրե մը կը պահանջվի՝ առանց սակայն դուրս ելնելու հեզնաբանության սահմանեն:

Կը համարձակինք ըսելու, որ գոք վիրավորել ուզած ենք և ներկայացուցած ենք անձերն այնպէս, ինչպէս որ են և ոչ թե ինչպէս որ կուզեն իրենք և եթե ընթերցողն տեղ տեղ ծանր կետերու հանդիպի՝ անոնց պատասխանատուն մենք

չենք, ո՞ր հայելին գաճաճն Աքիլլես կանդրադարձնե, ո՞ր լեռն սուրբը սատանա կը կրկնե:

Կը խոստովանինք, որ ծննդյան թվականներուն մասին պետք եղած ճշմարտությունը չկրցինք պահել, վասն զի օրինավոր տոմարներու պակասության պատճառով քառասուն տարիքն անցած մարդ չգտանք և ստիպվեցանք անոնց յուրքանչյորին տալ այն տարիքն, զոր ունենալ կը թվին:

Հուսալով, որ ընթերցողն ներողամիտ ոգով պիտի նայի գործույս թերություններուն՝ մենք ինքզինքնիս վարձատրված պիտի համարինք, երբ տեսնինք, որ մեր աշխատությունն յուր նպատակի հասած է:

Հ. Հ. Պ.

ԽՈՐԵՆ ԳԱԼՖԱՅԱՆ

Խորեն եպիսկոպոս, աստվածաբան, կատակերգակ, ազգային երեսփոխան, բանաստեղծ, 1861-ին Գալֆայան, 1870-ին Նար-Պեյ, 1879-ին Լուսինյան – մինչև նոր տնօրենություն – ծնավ Կ. Պոլիս Սամաթիո թաղին մեջ 1841թվականին: Ծնավ գիշերը երեք տեղ հրդեհ պատահեցավ. Արնավուտ-գեղ, Ախրգաբու և Գասըմբաշա:

Խորեն չուշացավ հայտնել, թե յուր ծնունդովն բանաստեղծ մ'ալ ավելցավ ազգին և ոչ թե փորձանք, ինչպես կը գուշակեին քանի մը հեռատես մարդեր. վասն զի երբ մանկաբարձն անոր ոտներուն վրա դիտողություն կըներ, տասն և վեցոտյան ոտանավորներն միշտ այսպես կը վերջանան, պատասխանեց երախա բանաստեղծն, որ ազգային քերթող պիտի հորջորջվեր օր մը մեր ազգային համբակ... սափրիչներեն: Ութ օր վերջը կատարվեցավ յուր մկրտության հանդեսը: Կնքահայրն Ամբակում դրավ անոր անունը, սակայն երախան տուն երթալուն պես փոխեց գայն ու Խորեն դրավ:

Նախագգացմամբ գուշակեց կարծես, թե ձեռք պիտի քաշեր օր մը այս աշխարհիս վաղանցուկ հաճույքներեն, թե յուր կյանքն Աստուծո ծառայության նվիրելով մեծ քաղցրություն պիտի գգար: Ուստի, օր մը աչքերն վեր առնելով կնկան մը երես չէր նայեր... բազմության մեջ, փութանք ավելցնել, թե մեկն մը տեսնվելու կասկած կամ

երկյուղ չունեցած ատենն ալ չէր նայեր կիներու... եթե
ծեր ըլլային. և հետևապէս, կուսակրոն ըլլալու համար
ամեն տրամադրութիւն ունէր: Հագիվ չորս տարեկան կար,
դրացվոյն տղաներն յոր տունը կը հրավիրէր և անոնց հետ
կրօնական խաղեր կը խաղար, նման այն խաղերուն, զորս
երբեմն խաղալու չմոռնար: Աթոռի մը վրա բազմելով քարոզ
խոսելու համար մեծ փափաք ունէր, իսկ երբ այդ աթոռը
պատրիարքական ըլլար՝ հոգին կուտար:

Հայրը տեսնելով, որ տղան վարդապետ ըլլալու սիրով
կը տոշորի, ինչպէս որ նույն սիրով կը տոշորին միշտ
յոթը տարու տղաներեն ոմանք, որոշեց Վենետիկի վանքը
դրկել զինք. և քիչ ատենեն այս որոշումը գործադրեց
առագաստավոր նավու մը հանձնելով յոր գավակն 1847-
ին: Երբ Վենետիկ հասավ Խորեն ու վանահոր ներկայացավ,
վանահայրն, անոր շարժումները դիտելով, հայտնեց թե
անկարելի էր զայն դպրոցի մեջ առնելը, որովհետև,
ավելցուց, վանքին տրամադրած օրենքներուն հակառակ էր
իգական սեռեն աշակերտ ընդունելը: Մեծ դժվարութիւն
կրեցին համոզելու համար վանահայրն թե աղջիկ չէր իրեն
ներկայացվողը: Երկրորդ օրը վանքին դպրոցը դրկվեցավ
Խորեն, ուր քիչ ժամանակի մեջ հսկայաքայլ հառաջ
գնաց այն ամեն գիտութիւններու մեջ, որոնց շնորհիվ
մարդս կը հաջողի սիրելի ընել զինք ռամիկներու: Մեր
պաշտոնին հավատարիմ մնալու համար պարտավոր ենք
հոս հիշել, որ այն ատեն որչափ սրամիտ, նույնչափ
ալ խառնակիչ էր Խորեն: Վանահոր ականջներն ալ

խուլցած ըլլալով այն տրտունջներեն, զորս Խորենի դէմ կրնէին յոր դասընկերները, որոշվեցաւ, որ ի պատիժ յոր անվայել վարքին, վարդապետ ձեռնադրվի: Այս ըլլալու էր խելոք չկեցող աշակերտներուն համար վանքին սահմանած պատիժը:

Վանքին մեջ քանի մը տարիներ վարդապետություն ընելեն ետքը, սենյակ մը քաշվելով քարոզ տալու վարժություն ընելեն ետքը – զգաց թե վանքը խիստ անձուկ ասպարեզ մ'էր համեմատորեն յոր ընդարձակ հմտություններուն՝ որովք օր մը փայլ պիտի առնէր յոր անունն պճնասիրության աշխարհին մեջ: Փափաքեցաւ անանկ ընդարձակ ասպարեզ մ'ընտրել, որուն մեջ կարող ըլլար ընդարձակորեն ծառայել Աստուծո: Այս փափաքն գոհացնելու համար երկու ոտքով ցատկեց, մեր ազգային պատրիարքարանն ինկաւ: Հիշելու բարեբախտությունը չունինք այն թվականն՝ ուր Խորեն Էջմիածնա հպատակեցաւ սակայն լավ հիշելու դժբախտություն ունինք, թե այս թվականեն ի վեր է, որ մեր կուսակրոնները ամեն պարգություն մեկդի դնելով՝ կիներու պես հագվիլ, սգվիլ և կոտրտվիլ սկսան... աղէկ ծառայություն ընելու համար:

Այն ժամանակները մայրաքաղաքիս հարուստներեն ոմանք իրենց ձիերուն ապագա պատրաստելու նպատակով անոնց համար հոյակապ ախոռներ կառուցանելեն ետքը՝ իրենց գավակներուն համար ալ դպրոց մը շինելու գաղափարն հղացան. բայց որովհետև Կ.Պոլսո մեջ դպրոցի

համար տեղ մը գտնելն անկարելի էր, որոշեցին որ Բարիզի մեջ բանան այս դպրոցն՝ որուն մեջ պիտի դաստիարակվէին իրենց զավակներն, և թերևս, իրենց ձիերն ալ, եթե հոս գործ չունենային: Իրենց այս որոշումին ծնունդ տվին Բարիզի մեջ դպրոց մը շինելով... ավագի վրա: Այս դպրոցին, որու անուն Հայկազյան, տնօրեններն եղան 1856-ին հռոմեականությունն հայոց եկեղեցին դարձած, կամ լավ ևս, գերութենե ազատություն դարձած երեք վարդապետներն, որոնց հարեցավ նաև վերջէն Խորեն եպիսկոպոս: Հիշյալ տնօրեններն եթե բան մը չսորվեցուցին աշակերտներուն, որոնք երբ մայրաքաղաքս դարձան բան մը չսորվելէն զատ, հայերեն լեզուն ալ կորսուած էին, գոնե սա սորվեցուցին ազգին թե՛ շատ լավ բան է իրավունք և պարտք ճանաչելն: Այս սկզբունքը մեզի սովորցնելէն ետքը մաքուր սրտով, հանդարտ խղճով հարյուր հազար ֆրանկի պարտ թողլով, դպրոցին դռները գոցեցին: Խորեն եպիսկոպոս ամենէն ավելի օգուտ քաղեց այդ դպրոցէն. մեծ քայլեր առավ հոն դեպի Պառնասսա գագաթ. հոն կատարելագործեց մուսաներու արվեստը: Սա ինքն է որ, յոր վկայությամբ նայելով, երկու ամիս աշխատելէն ետքը հետևյալ գլուտն ըրավ.

Զյուր անվան կոչ գիտե՞ս – ոհ, ոչ:

Թեպետև պատմաբաններեն ոմանք Հոմերոսի կրնծայեն այս երևելի գլուտն, որ ժամանակագրությունք երևելի անցիցին կարգը գրվելու մոռցված է դժբախտաբար, սակայն մենք պնդելով կը պնդենք, որ այս գլուտին փառքը

Խորենի միայն կը պատկանի: Քաջ գիտենք, որ Խորեն եպիսկոպոս այս գյուտն ընելէն անմիջապէս ետքը հեալով կը վագե եղբորը և անոր կիմացն: Եղբայրն նախ չուզեր հաժատալ, ասանկ գյուտի մը գյուտն անհնար կը թվի իրեն, բայց վերջապէս կը համոզվի և եղբորը փաթովելով. Խորեն, կըսէ, մեծ ծառայություն ըրիր ազգին այդ գյուտովդ. ազգը պարտավոր է երախտագետ մնալ քեզ համենայն ավուրս կենաց յորոց: Արդարև այդ գյուտը մեր ազգի համար ավելի մեծ նշանակություն ունի քան գյուտ նշխարացը, և կը զարմանանք թէ ինչու այդ գյուտին օրը կիրակի չեն բռներ... բանաստեղծները:

Հայկազյան դպրոցին փակումեն ետքը Կ.Պոլիս դարձավ Խորեն: Քանի մը ատեն հոն մնալէն ետքը դասախոսության պաշտոնով Թեոդոսիո Խալիպյան ուսումնարանը մտավ, ուր առավոտէ մինչև երեկո դասախոսություն կըներ խմբագրության, պարապելով թերթի մը՝ որուն անունը կամ Մասյաց աղավնի կամ Պոլսո աղավնի: Աշակերտներն ալ իրենց վարժապետին հանգ կրելով կզբաղէին, որպէսզի հայրենասիրական եռանդուն քերթվածներ շինէ ազգին:

Չհասկցվեցա՞վ թէ որ գիտության կամ ուսման մեջ հառաջ գացին հիշյալ վարժարանի աշակերտները, միայն սա հայտնվեցա՞վ, որ երբ այդ աշակերտներն իրենց քաղաքները վերադարձան, պատուհաններուն առջևէն չէին հեռանար, փողոցէն անցնող աղջիկներն դիտելու համար: Կը հրաժարինք մանրամասնորեն պատմելէ այն կյանքն, գոր վարեց Խորեն Թեոդոսիո մեջ, այո, կը հրաժարվինք,

որովհետև դժբախտությունն այն եղանակով հալածեց զինք
Թեոդոսիո մեջ, ինչ եղանակով որ կը հալածե մեկն յուր
սպասավորն, որ տան տիկնոջ աչք կը տնկե: Կրոնավոր
մը այսչափ հալածվելու չէր... կրոնավորն մը: Եվ միթե
հալածումը հաշոդեցա՞վ անոր սկզբունքն փոխելու. բնավ
երբեք. այլ, ընդհակառակն, ավելի ևս քաջալերեց զայն
յուր սկզբունքին մեջ: Սկզբունքը, կըսե Ադեքսանդր Տյումայի
որդին, բևեռներու կը նմանին, որչափ զարնես անոնց գլխուն՝
նույնչափ ավելի կը հաստատվին:

1864-ին դարձյալ ստիպվեցավ Պոլիս դառնալ, ուր քանի
մը ամիսն ետքը Բերայի քարոզչության պաշտոնը ձեռք
անցուց: Իրեն համար կրնանք ըսել ինչ որ կըսեն Պղատոնի
համար, թե մեղուները մեղր քսած էին անոր շուրթերուն –
թեպետև ուրիշներն ալ քիչ մը կարմիր քսած էին – այնչափ
պերճախոս էր: Ժողովուրդը մինչև այսօր սիրով մտիկ կընե
անոր քարոզները մինչև վերջը, և առանց քրտինք թափելու:
Յուր քարոզներն ավելի կը փայլին քան յուր մագերը::
Ինչ հարկ կա երկարելու. կետեր կան, որոնց մեջ Խորեն
տեսականի մարդ է և գործնականի չգար, կետեր ալ կան,
որոնց մեջ միայն գործնական է: Դժբախտությունն հոն ալ
վազեց քանի մը տարիեն, հոն ալ հալածեց զինքը. և Խորեն
հոժար կամքով հրաժեշտ տվավ յուր պաշտոնին... երբ
թաղեցիները վար արին զինքը:

1867-ին եկեղեցական պատգամավոր ընտրվելով՝
Վեհափառ Գևորգ կաթողիկոսին հուղարկավորությանը
գնաց մինչև Էջմիածին, ուր եպիսկոպոսության աստիճան

բարձրանալեն ետքը Պոլիս վերադարձավ և Պեշկեթաշի քարոզիչ անվանվեցավ: Հիշյալ թաղին վարժարաններու վերատեսչությունն ստանձնելով բարեկարգության ձեռք գարկավ: Աշակերտներուն սիրտն ու միտքն մշակելու համար անոնց հագուստները հանել տվավ և համաձև գգեստ տվավ և համաձև գգեստ շինել տալով հագցուց անոնց: Ահավասիկ ըրած միակ բարենորոգումն, որ կրնա ըսվիլ թե ավելի դերձակներու համար եղավ, քան աշակերտներու համար:

Քանի մը ամիս այս պաշտոնը վարելեն ետքը հրավիրվեցավ հրաժարիլ անկե.. բնավ դեմ չկեցավ. հրաժարվեցավ և “Մասիսի” խմբագրապետին տանն ապակիները խորտակել տվավ: Քանի մը քաղաքներե առաջնորդ ընտրվեցավ, բայց ինքն իբրև նախանձ նկատելով այն ամեն առաջարկություն, որ կստիպեր գինք հեռանալ Պոլիսեն՝ մերժեց գավառներու մեջ առաջնորդություն ընելը: Չմյուռնիան ոչ միայն ընտրեց, այլ հրավիրակներ ալ դրկեց: Ընտրությունն ալ, հրավիրակներն ալ քաղաքավարությամբ վոնտեց: Տիգրանակերտն ալ ունեցավ Չմյուռնիո հիմարությունը, և անոր պես յուր պատիժը կրեց:

Ամենեն վերջը Ռոտոսթոյեն հրավիրվեցավ, որ իբրև հովիվ հոգևոր, արածե գիրենք. Խորեն եպիսկոպոս ընդունեց Ռոտոսթոն, բայց ծանր պայմաններ առաջարկեց, որ Ռոտոսթոն չուգե գինքը, օրինակի համար, այնպիսի ճամփու ծախք մը առաջարկեց, որով Ռոտոսթոյի բոլոր

ազգայինները կրնային հոս փոխադրվիլ: Հարկ չէ ըսել թե Ռոտոսթոն ալ ստիպվեցա՞վ, Զմյուռնիո և Տիգրանակերտին ալես, ուրիշ առաջնորդ ընտրել իրեն:

Հիշյալ երեք քաղաքներն կը պարծին այսօր Խորենն իրենց առաջնորդ չունենալուն վրա:

Տեղեկանալու համար այն վավերական աղբյուրներուն, որովք անժխտելի կերպով հաստատված է այսօր թե Խորեն Նար-Պեյ Լուսինյանն սերած է, պետք է ներկա գտնվիլ այն գեղեցիկ արքայական երազին, որ պատիվ ունեցած է տեսնել Խորեն եպիսկոպոս 1870-ին:

Այդ երազին մեջ Նար-Պեյ Լուսինյան կը ներկայանա Խորենն եպիսկոպոսին և անոր կրսե. “Ես եմ Նար-Պեյ Լուսինյան, որ 1798-ին Կիպրոսի տաճիկներու հարստահարություններեն փախչելով՝ Եգիպտոս գացի և Նաբոլեոնեն մեծ պատվով ընդունվեցա:

Դու ինե սիրած ես, շուտ ըրե ել, հագնվե և մականունդ փոխե”: Մենք բնավ կասկած չունինք ասոր ստուգությանը վրա:

Շատերը արդեն այս երազին ներկա գտնված ըլլալով՝ իբրև ականատես վկա կը պատմեն, մինչև իսկ կը նկարագրեն Նար-Պեյ Լուսինյանի կերպարանքն, որով երևցած է, երազի մեջ, Խորենին:

Իբրև գորավոր փաստ ուրիշ ի՞նչ պահանջելու իրավունք ունինք, միթե Մասիս, Թերճիմանը-Էֆքիար և Լրագիր օրագիրներն չիրատարակեցի՞ն զայն արժանահավատ աղբյուրներն քաղելով:

Բայց ի՞նչ օգուտ, մարդիկ որչափ ալ բարձրանան, նորեն բարձրանալ կը փափաքին. Խորեն եպիսկոպոս ալ, իբրև մարդ, քանի մը տարիներ Նար-Պեյով շատանալէ վերջը ուզեց, որ Լուսինյան ալ հորջորջվի, նման այն ավագակին, որ ուրիշի մը գույքը հափշտակելէն ետքը կը փափաքի անոր հայրերն ալ կողոպտելու:

Այս չափագանց փափաքն մղվելով է անշուշտ, որ Խորեն եպիսկոպոս ելալ օր մը հետևյալը հրատարակեց.

“Նկատելով, որ Ռուսաստանի մեջ Լուսինյան մը կա, որ նամակով ինձի կիմացունէ, թէ ես իրեն եղբոր որդին եմ.

“Նկատելով, որ բոլոր եղբայրներս Լուսինյան մականունը կգործածեն.

“Նկատելով, որ հարագատ եղբայրներու մեջ տարբեր մականուններ գործածելն անտեղի է.

“Ես ալ որոշեցի, որ այսուհետև Լուսինյան գործածեմ”:

Փառք տանք Աստուծո, որ միտքը չէ ինկած հետևյալն ալ գրելու.

“Նկատելով, որ եղբայրներս անուանացած են...”:

Ինչպէս հայտնի կերևա, Խորեն եպիսկոպոս վերոհիշյալ նկատելովներով բոլոր պատասխանատվութիւնն հորեղբորն ու եղբայրներուն վրա կը ձգէ:

Հարկ կը համարինք հոս հիշել, թէ Խորեն եպիսկոպոս յոր կարծիքներուն հետ ալ այնպէս կվարվի, ինչպէս յոր մականուններուն հետ, միայն սա տարբերությամբ, որ կարծիքներն ինն օրը անգամ մը կը փոխէ, մինչդեռ մականունները ինը տարին անգամ մը: Թող աղոթք

ընե նորին գերապատմությունը, որ վաճառական չէ, եթե վաճառական ըլլար և այնպես հաճախ մականուն փոխեր՝ քիչ ատենվան մեջ վաճառատունը կը գոցեր:

1876-ին Կրոնական ժողովո ատենապետ ընտրվեցավ շնորհիվ այն կուսակցության, որ իրեն հետ աշխատած էր Խրիմյանը պատրիարքական աթոռեն վար առնելու դյուցազնական գործին մեջ: Ատենապետ ընտրվելուն հետևյալ օրը բանադրեց մեկն, որ բանավոր պատճառներով առաջին կինն թողած ըլլալով՝ ուրիշ կնիկի մը հետ ամուսնացած էր: Այս բանադրանքը շատերը բավական խնդացուց: Քանի մը օր ետքն ալ Հայաստանյայց եկեղեցվո համաձայն հրատարակեց ճիշտ առաջինին նման ամուսնություն մը՝ որով ուրիշ մեկն յուր կինը թողած՝ ուրիշ կնիկ մը առած էր: Աս համաձայնը շատ խնդացուց ժողովուրդն: Այս հակասական վճիռներն մինչև այսօր իրարու դեմ հրացան կը քաշեն Կրոն. ժողովո արձանագրություններու մեջ:

1878-ին իբրև ազգային նվիրակ Խրիմյանի հետ Պերլինի Ավագաժողովը դրկվեցավ: Թեպետև չգիտցվեցավ թե ինչու չկրցին Ավագաժողովին ներկայանալ, սակայն շատերը պնդեցին այն ատեն, թե ազգը մեծ օգուտ քաղեց անոնց ուղևորությունեն, թե ձայն հանելու չէ, այդ օգուտին ինչ ըլլալը վերջեն պիտի հասկցվի: Ասոր համար է, որ շատերն իրենց բերանը բացած՝ գործերուն վերջը դիտելու կը պատրաստվին: Եթե այս օգուտներուն երևակայականն մեկդի նետելով իրականին դառնանք՝ սա օգուտը կը

գտնենք, որ առաջ գալատներու մեջ եթե տարին հարյուր հոգի կսպաննվեին՝ այսօր հազար կսպաննվին և այս ակ մեծ օգուտ է անշուշտ անոնց, որք բազմութենէ չեն ակտրժիր:

Պետք չէ մոռնալ այն մեծ ծառայություններն, զորս մատուցած է ազգին երեսփոխանական ժողովո մեջ: Յօր ատենաբանություններն շատ ներդաշնակ էին, երեժշտական խումբ մը կը պակսեր զանոնք ավելի ազդու գործելու համար: Յօր ճառերն նույն ազդեցությունը կրնեին երեսփոխաններու վրա, ինչ ազդեցություն որ կրնեն հատընտիր քաղվածք դպրոցական աշակերտներու վրա:

Չափազանցություն ըրած չենք ըլլար եթե ըսենք թե՝ իբրև մատենագիր ավելի ծառայած է ազգին քան իբրև կուսակրոն:

Յօր աշխատասիրություններուն մեկ մասը 1879-ին Բերայի հրդեհին հրո ճարակ եղան, ինչպես որ կըլլան դժբախտաբար ամեն երկասիրություններն, որք տպված չեն... գրված չեն:

Այդ գործերու մոխիր դառնալն մեծ կորուստ մ'է անշուշտ ազգին համար, բայց կրնանք մխիթարվիլ յօր հրատարակած գործերով, որոնք քիչ բացառությամբ, արժանիք ունեին... մոխիր դառնալու: Խորեն եպիսկոպոս ունի այսօր տասներկու գործեր: Ասոնց մեջն է Ալաֆրանկա կատակերգությունն, որ կապիկի պես ամեն բանի մեջ ուրիշի նմանելե հառաջ եկած վնասները կը հարվածե: Վարդենիք, անմեղ սերն ներշնչված գողտրիկ ոտանավորներ: Դաշնակք

Լամարթինի անմահ բանաստեղծին ոտանավորներում գրաբար թարգմանությունը՝ գոր հասկանալու համար այն ատենները չորս հոգիե բաղկացյալ մասնաժողով մը կազմվեցավ, որն որ անկարող ըլլալով գայն լուծել թարգմանիչին դիմեց, որ ներումն խնդրելով պատասխանեց թե՝ վրայեն բավական ժամանակ անցած ըլլալուն պատճառով ինք ալ չէր կարող հասկնալ: Քրիստոնեական, որ կը պատվիրե Էրիկներուն ներել իրենց կիներուն, որքան ալ անպարկեշտ ըլլան, որքան ալ մեծ ըլլա անոնց սիրականներուն թիվը: Նախակրթական ֆրանսերեն լեզվի, ի պետս անոնց, որք փափաք չունին ֆրանսերեն սովորելու: Սովերք հայկականք, որոնց մեջ առաջին տեղը կը գրավե գհայրենյաց ասա մեզ բան: Օտար լրագիրներու մեջ անդրալեռնականներու դեմ պաշտպանած է Հայաստանյայց եկեղեցին և ժողովրդյան համակրությունը գրաված է:

Խորեն եպիսկոպոս անուշ բնավորություն մ'ունի. ամենուն հետ այսպես կը վարվի, ինչպես որ խմբագիր մը կը վարվի այն մարդուն հետ, որ տարվան մը բաժանորդ կը գրվի և բաժանորդագինն ալ կանխիկ կը վճարե: Վարքեն կրնանք գուշակել թե յուր հարգած սկզբունքներն հետևյալներն ըլլալու են.

“Միրե հայրդ ու մայրդ... եթե հարուստ են,

“Միրե թշնամիներդ ... երեսանց,

“Մուտ մի խոսիր... եթե շահ չունիս:

“Թող մի տուր կիրքերդ գերի ըլլան անձիդ.

“Դրացիներդ անձիդ պես սիրե”:

Մեղյալներուն գալով՝ անոնց հետ ալ ավելի քաղցրությամբ կը վարվի: Այնպիսի սրտառուշ դամբանականներ կարձակեր, այնպիսի պերճախոսությամբ կը գովեր արքայությունն, որ ներկա գտնվողները մեռնելու փափաք կզգային: Չմոռնանք սակայն ըսել թե՝ երբեմն ալ մեղյալն արքայութենեն ավելի կը գովեր՝ որով ննջեցյալն նախապատիվ կը սեպեր դագաղին մեջ մնալ քան թե արքայության մեջ: Ազգային հիվանդանոցին մոմերուն պես կարգերու կը բաժնվեին յուր դամբանականները, մեկ ոսկի տվող մեղյալն բարեսիրտ կըլլար, երկու դրկողը բարեսիրտ և քիչ մ'ալ ազգասեր կը հռչակվեր, երեք նվիրողը ազնիվ սրտով և վսեմ զգացմունքներով կը զարդարվեր, չորս համրողը հանրաժանոթ ազգասեր կը ծանուցվեր, հինգ տվողն կենդանությանը ժամանակ այնքան գաղտնի ողորմություն տված կըլլար աղքատներուն, որ մարդ տեսած չէր ըլլար, հայրենյաց բարերար կը հորջորջվեր, և ասանկներուն դագաղը ութը հոգի կը կրեր, որովհետև չորս հոգի բավական չէին կրել այնչափ գովեստներով ծանրաբեռնյալ ննջեցյալն:

Դագաղն ալ երբեմն զգացման տեք և ազգասեր կըլլար, եթե գայն շինող ատաղժագործը գերապատիվին մենիտիե մը դրկեր: Իսկ անոնք, որ ժամանակ չունեին փրկանք վճարել դամբանախոսին՝ դամբանական լսելու իրավունքն կը զրկվեին, իրենց վերապահելով սակայն մեռնելու իրավունքը: Խորեն եպիսկոպոս յուր պաշտոնակիցներուն

պես վարվելով՝ լռելյայն սա սկզբունք կը քարոզեր թե՛ չար եղեք որչափ կուզեք, բայց հարուստ եղեք, որչափ կրնաք: Ժողովուրդն, որ շատ անգամ ազգասեր, ողորմած, բարեսիրտ ածականներուն տրվիլը կը լսեր այնպիսի մարդերու՝ որոնք իրենց կենդանության ժամանակ ազգը մատնած են իրենց շահուն համար, կամ եկեղեցվոյն գանձանակեն ստակ գողցած են, ինքնիրեն կըսեր. “Խորանի վրա, բազմության մեջ, այսչափ սուտ ի՞նչպես կարելի է ըսել առանց կարմրելու”:

Խորեն եպիսկոպոս մեծ մարդ է. ավելի մեծ պիտի ըլլա անշուշտ, եթե հաջողի Կիպրոսի մեջ Լուսինյանն մնացած կալվածներն Անգղիո ձեռքեն առնել. և աս ալ անհավատալի բան մը չէ:

Խորեն եպիսկոպոս միջին հասակով, բարեձև կազմով գեղեցիկ մարդ մ’է: Երբ փողոցն ելնե՝ ընդհանրապես այն դեմքը կունենա, երբ բազմության մեջ մեկն յուր սիրուիին գաղտնի նշան ընելեն ետքը ուրիշ մը գայն տեսնե և իրեն ըսե. “Ըսածիդ հավնեցա՞ր”:

ՏԻԳՐԱՆՆ ՅՈՒՍՈՒՖՅԱՆ

Պատմագիրները համաձայն չեն Տիգրան Յուսուֆյանի ծննդյան թվականին վրա:

1850 թվականին ծնունդ կուտան անոր այն պայմանագիրներն, որ ամուսնացնելու աղջիկ ունին. ուրիշներն, որ անոր նախագահությանը տակ կորուսեր են իրենց դատը, 1820-ին կստեղծեն գայն:

Իսկ մենք, որ հաճույք մը չենք զգար կիներու մեջ տարիքի խնդիր հուզելով, կըսենք թե այս երեսփոխանը Միջագյուղ ծնած է 1835-ին, 1854-ին և 1875-ին: 1835-ին՝ եթե դեմքին նայիս, 1854-ին՝ եթե պարահանդեսի մը մեջ գտնվի, իսկ 1875-ին՝ եթե հասակին նայիս:

Ծնած ժամանակն այնքան նիհար էր, որ եթե Լիկուրգոսի օրով ծնած ըլլար՝ անպատճառ ջուրը ձգված պիտի ըլլար:

Մանկության օրերուն մեջ հանդարտ ու հեզաբարո ըլլալով՝ բնավ պատճառ չէր տար ստնտուին, որ գինքը կսմթէ: Գիշերներն այնպես խոր քուն կը քաշեր, ինչպես որ կը քաշէ, երբ իրեն երթաս և բանաս իրեն այնպիսի խոսակցություն մը, որ բնավ վերաբերություն չունի դատի հետ:

Ձմեռվան այն երկար գիշերներուն մեջ անգամ մը միայն կարթննար և այն ալ ոչ թե լալու կամ կաթ ուտելու համար, այլ յուր թաթիկներովն ստնտուին ծիծերը բռնելով քնանալու համար: Ամեն երախա, ինչպես հայտնի է, ունի այս

սովորությունը, սակայն կերևի թե այս երախտան բավական
ատեն հետևած է այս սովորության, վասն զի, կըսեն
ոմանք, չորս տարեկան եղած ատեն, տան սպասուհիները
Տիգրանիկեն կը գանգատին եղեր:

Տղայական խաղերու բնավ չէր մասնակցեր. խելքն ու
միտքը պարզևաբաշխության հանդեսին վրա էր:

Ամեն կիրակի իրեն հասակակից աղջիկներ ու մանչեր
տուն հրավիրելով՝ աթոռներու վրա կը բազմեցունէր, ինքն
ալ սեղանի մը վրա կ'ելներ... ճերմակ ձեռնոցներով և կարճ,
բայց ազդու ատենաբանությամբ աղջիկներուն երեսը կը
նայեր... դաստիարակության օգուտներն անոնց զգալ տալու
համար:

Ամիրայության մեծ փափագ ուներ. յոր կարճ բայց
ազդու հասակովն ամիրայության բարձրանալ կուզեր, վասն
զի ամեն բարօրության հոն կը փնտռեր. ուստի նախատինք
կը համարեր տեսություն ընել այն ամեն մարդու հետ, որ
ամիրայական արգանդէ մը ծնած չէին:

Օր մը նպարավաճառի մը դրկվեցավ, որ քիչ մը պանիր
առնէ, բայց ինքն երբ տեսավ, որ նպարավաճառն ամիրա
չէր, առանց պանիր առնելու ետ դարձավ:

Երբ յոթը տարեկան եղավ, թաղին վարժարանը դրկեցավ,
որ ուսում առնէ:

Այն ատենները վարժարաններու մեջ ամեն բան կը
գտնվեր բացի ուսումէ, որով Տիգրանիկն ալ ուսումնէն գատ
նորիշ ինչ որ գտավ առավ թաղային վարժարանէն:

1850-ին Բարիզ գնաց և վաճառականության դպրոցը

մտավ հոն:

Մեծ հաջողություն ցույց տվավ այն ուսման՝ գոր մենք վաճառականություն կանվանենք և որուն Խաբեություն անունը կը կարդա Վովընարկ: Քիչ ատենի մեջ կատարյալ սորվեցավ մարդ խաբելու սկզբունքներն, գորք պիտի գործադրեր վաճառականության մեջ: Սակայն բախտը, որ եթե չժպտիր ապուշներու, երբեմն անոնց պաշտպան կը հանդիսանա, ըսավ Տիգրանին.

Արդեն վաճառականները պատժել կուզեի, բայց անանկ պատիժ մը կուզեի, որ խիստ ըլլար: Ուրախ եմ այսօր զքեզ գտնելուս վրա, գնա ուրեմն դատավոր անունով պատիժ եղիր այդ վաճառականներուն վրա”:

Բախտին պատգամը կատարվեցավ, Յուսուֆյան առևտրական ժողովներեն մեկուն նախ անդամ և հետո ամբողջությունն (նախագահ) եղավ:

Նախնիք Արդարությունը տեսած պիտի ըլլան, որ զայն կշիռ ի ձեռին կը ներկայացնեն. անոր բարի ըլլալն ալ ճանչցած են անշուշտ, որ այնչափ հարգ ու պատիվ կընծայեն անոր. մենք դժբախտաբար ժողովներու մեջ ալ իրեն հանդիպած չունինք, որ տեսնեիք, ճանչնայինք և կարենայինք այսօր ըսել, թե Յուսուֆյան շատ լավ կամ գեշ կը վարվի Արդարության հետ:

Շատերը, որ մոտեն կը ճանաչեն Յուսուֆյան Էֆենտին, կըսեն թե Արդարության ներկայացուցիչն է ան և թե Արդարության պէս կշիռ մը ունի ձեռքը, սակայն պնդողներ ալ կը գտնվին թե՛ այդ կշիռը ծախու առնված է

նպարավաճառե մը, որ պակաս կշռելուն համար ամեն օր տուգանք կը վճարեր:

Աս անհավատալի է:

– Կը տեսնե՞ք փաստաբանները ինչպես ուշի ուշով մտիկ կընեն, որպեսզի կետ մը բռնեն և ինձի դեմ դատ բանալ տալով քառասուն-հիսուն ոսկի վաստկին... Պարոն փաստաբաններ, մի պարծենաք կենսագրություններու մեջ զիս դատի հրավիրելու բնություն ունեցող կետեր գտնելուդ վրա, որովհետև կենսագրություններս կազմող բոլոր կետերն նույն բնությունն ունին:

Այս պարագայիս մեջ կը նմանցնեմ զձեզ այն ձկնորսին, որ այս օրերս տասը բալամուտ որսալուն վրա կը պարծենա, քանի որ շաբաթն մը ի վեր ծովը բալամուտով լեցված է: Բայց քանի որ ձեզմե շատերը հողվածի մը մեջ ավելի իրենց գործը կը փնտռեն քան թե արդարություն, ես ալ խոհեմություն կը բանեցնեմ և խոսքս կը փոխեմ: -

Առանց ասոնց կամ անոնց ըսածներուն ականջ կախելու՝ ես կըսեմ թե Տիգրան Էֆենտի Յուսուֆյան միշտ արդարությամբ վարված է, որովհետև ուրիշ կերպով վարվիլը անկարելի է: Մեր բոլոր ժողովներուն մեջ արդարությունը միշտ կը փայլի յուր բացակայությամբը: Տիգրան Էֆենտի շատ ճշտություն կը պահե յուր պաշտոնին մեջ. օրինակի համար, եթե պատիվ ունենաս օր մը իրեն ներկայանալու... դատով, նախ և առաջ քեզի պիտի ըսե.

Նախ՝աս կողմը անցիր:

Երկրորդ՝ շիտակ կայնե:

Երրորդ՝ գլուխդ վեր բռնե:

Չորրորդ՝ ձեռքդ վար առ:

Եվ դուն այս հրամանները լսելով, անշուշտ պիտի կարծես թե, դերձակի մը առջև կը գտնվիս, որ չափդ պիտի առնե, բայց կը սխալիս, դատավորի մը առջևն ես, և որ ժողովին մեջ որ մտնես, այդ հրամանները պիտի կատարես:

Տիգրան Էֆենտին այնչափ կը փափաքի ազգին ծառայություն ընել, որ հարյուր հոգվո գլուխ հանելիք գործը միայն կուզե կատարել: Սուտ չեմ խոսիր: Գնա օր մը իրեն ըսե:

– Էֆենտի, թաղիս մեջ կուզենք բարեգործական ընկերություն մը կազմել:

– Վսեմ գաղափար:

– Կը փափաքիք, որ հրամանքնիդ ալ ատենապետ ըլլաք:

– Սիրով կընդունիմ:

Այս պատասխանը առնելեդ ետքը դուրս ելիր սենյակեն և դռան քովը կեցիր:

Ահա ուրիշ մը կը մտնե.

– Էֆենտի, որոշեցինք վարժարաններու նպաստելու համար ընկերություն մը հաստատել:

– Շատ ազգօգուտ ձեռնարկություն:

– Արդյոք կընդունեի՞ք...

– Ատենապետությո՞ւնը... սիրով կընդունիմ:

– Կընդունեի՞ք տասը բաժին ...

– Ընկալագիրն ամսե մը դրկե:

Սենյակեն դուրս եկած ատենը ասոր ձեռքեն քաշե և քովդ

կայնեցոր:

Երրորդ մը կը մտնէ.

–Բարև, Էֆենտի:

–Աստուծո՛ւ բարին:

–Մսավաճառի խանութ մը բանալ կուզենք ընկերությամբ:

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.